

四庫全書

史部

欽定四庫全書

史部

辛魯盛典卷

二十一
二十二

詳校官宗人府丞_臣寶光鼎

編修_臣程嘉謨覆勘

總校官進士_臣繆琪

校對官助教_臣胡子襄

謄錄監生_臣鍾廷璘

謄錄監生_臣崔灝

欽定四庫全書

幸魯盛典卷二十

康熙二十四年乙丑四月衍聖公孔毓圻疏請纂修

幸魯盛典并請

御製古檜賦勒石檜樹間

詔從之

衍聖公臣孔毓圻

奏為請

旨纂修

幸魯盛典以昭垂道統敷示臣民事臣聞帝王膺圖御
宇以體元出治則為君極聖賢致知力行以繼
往開來則為道統自古迄今君極與道統合而
為一者必至聖而後克全伏遇

皇上

哲謀天亶

敦敏夙成

知則生知聰明首出庶物

行則安行律度協於中和猶復

修來時敏念典愈勤

鑒百王之治法

闡千聖之微言堯舜禹湯文武周孔之道至我

皇上而統會焉上有至聖之君則下有王者之民臣竊

見

巡蹕所至區宇縱觀羣黎歡迎歡呼後應千里攀援即
古帝遊幸康衢僅一擊壤之儔耳而今則處處
皆康衢人人為擊壤

皇上之德盛化神實高於古聖遠矣至如

臨幸闕里典制超越蓋惟

皇上躬任道統親接羹牆以是創制裔皇敦崇

先聖而臣見四方人士來登闕里者瞻仰

宸章

御蓋焜燿廟庭無不致敬忭舞道揚又必問臣以釋奠之儀文進講之大義與夫拜颺之次第

賚予之優渥務必細詢臣應對且日不暇給臣因思聖主隆規自炳於

起居之注而尼山道統不可無紀盛之書臣愚特籲聖恩容臣裒輯

典章臚陳儀制

皇上顧問之天語羣僚奏對之昌言臣族受

恩之始末扈從入廟之班聯一一恭紀纂成

幸魯盛典一書以昭示臣民使共獲快覩在臣家則傳之子孫與論語家語諸書同垂天壤矣如蒙

鑒允臣即於廟庭設局纂修仍請

勅下部衙門將一應

臨幸闕里事宜

聖製

聖諭告文祝文禮樂儀制講章以及扈從入廟陪祀執

事諸臣名爵各行頒發到臣以便彙齊纂入俟
刊刻成書另疏恭呈

御覽則寰宇獲覩顯懿之盛而尼山永垂鉅典之書矣
抑臣更有請者臣茲趨賀

萬壽甫入都門聞有

御製古檜賦臣不勝懽躍即購求抄本薰沐恭誦仰見
我

皇上

聖學淵宏

龍章浩瀚妙體裁之獨至闡義蘊於靡遺臣伏念自手植檜樹以來二千餘歲幸邀

天顏之顧盼復荷

睿藻之褒揚臣不揣冒昧敢請

聖製勒石檜樹間垂之永久以為萬代觀瞻伏乞

皇上鴻慈俯允奉

旨該部議奏

禮部

題前事該臣等議得衍聖公孔毓圻疏稱

皇上臨幸闕里典制超越特籲

聖恩容臣裒輯典章臚陳儀制

皇上顧問之天語羣僚奏對之昌言臣族受

恩之始末扈從入廟之班聯一一恭紀

幸魯盛典一書即於廟庭設局纂修仍

勅下該衙門將一應

臨幸闕里事宜

聖製

聖諭告文祝文禮樂儀制講章以及扈從入廟陪祀執

事諸臣名爵各行頒發以便彙輯等語臣等仰

惟我

皇上崇尚師儒修明理學

車駕躬臨闕里特崇報典屢沛

恩光而且

宸翰輝煌

天章藻麗規模遠邁於前王彞訓永垂於萬世應如行

聖公孔毓圻所請纂修

幸魯盛典一書永垂萬世相應將

皇上東巡

聖製

聖諭告文祝文並顧問

天語臣僚奏對

臨幸闕里事宜禮樂儀制講章啓奏等事以及扈從王
等內大臣侍衛各部院大臣官員入廟陪祀執
事諸臣名爵臣部行文各部院詳查明白開列
俱移送臣部纂修

幸魯盛典一書永垂萬世應將各部院移送禮制事宜
彙送翰林院其應行纂修典禮各項詳定明白
移送臣部轉送衍聖公孔毓圻纂修進呈

御覽又疏稱

御製古檜賦請勒碑檜樹間垂之永久以為萬代觀瞻
等語相應亦如所請

勅下翰林院將古檜賦抄錄移送臣部亦轉發行聖公
孔毓圻令其勒碑檜樹間可也奉

旨依議

十二月衍聖公孔毓圻疏舉進士金居敬等纂
修

辛魯盛典

上可其奏

勅部咨取金居敬俞兆曾叢克敬孫致彌葉湜沙汝洛
章緯曹晃赴闕里

聖廟纂修

衍聖公臣孔毓圻

奏為纂修仰奉

俞綸編輯理難草率恭請

頒發禮制事宜咨取應用人員以光盛典事切該臣

恭遇我

皇上崇儒重道加恩

先師前軼百王後光萬禩先經

臣請

旨纂修

幸魯盛典以昭垂道統敷示臣民事具奏奉

旨該部議奏隨經禮部議覆內稱相應將

皇上東巡

聖製

聖諭告文祝文併顧問

天語臣僚奏對

臨幸闕里事宜禮樂儀制講章啓奏等事以及扈從王
等內大臣侍衛各部院大臣等員入廟陪祀執
事諸臣名爵行文各部院詳查開明移送臣部
彙送翰林院其應行典禮各項詳定明白移送
臣部轉送衍聖公孔毓圻纂修進呈

御覽奉

旨依議欽遵在案伏念

皇上文治之隆亘古未有年來海外之國皆求遣子入

監讀書今臣所請纂修

幸魯盛典之書告成之日外則宣示遐方內則昭垂後

世皆仰

皇上之崇正道尊

先師奕禩永奉典則之貽四海競切觀光之慕所係

誠非淺鮮也所有禮制事宜等各項前經部議

俟翰林院詳定明白移部轉發到臣計詞臣必已搜輯考核詳備無遺請

勅部院迅速頒發以便遵

旨開館纂修但臣自惟學問固陋尠見寡聞若使獨任操觚未免掛一漏萬況所裒集者我

皇上之文章乃古今莫大之文章所恭紀者我

皇上之事功乃古今莫大之事功若草率從事臣則何

敢今纂修盛典一書必須才學鴻贍之人共勦

厥事方能揚擢愉快而諸臣之現任供職者臣
未敢借才臣擬身總其綱及臣胞弟翰林院五
經博士臣孔毓埏為副外臣訪得江南蘓州府
長洲縣乙丑科進士金居敬浙江嘉興府嘉善
縣儒學增廣生員曹晃嘉興府海鹽縣乙丑科
進士俞兆曾江南蘇州府嘉定縣戊午科舉人
孫致彌蘇州府崑山縣辛酉科順天鄉試副榜
貢生葉湜江寧府江寧縣丁巳科舉人叢克敬

山東登州府萊陽縣候選京職沙汝洛浙江杭州府富陽縣候選知縣章緯此數人者皆人品純粹學問優長堪任纂修之役恭請

俞旨

勅部咨取到臣至於校閱收掌謄錄各有攸司書成之日一並列名進呈

御覽其間儻有未備典禮亦容臣次第咨部查取務求明備以光盛典奉

旨該部知道

禮部

題前事該臣等會議得衍聖公孔毓圻疏稱纂修

幸魯盛典一書臣自惟學問固陋尠見寡聞若使獨任

操觚未免掛一漏萬必須才學鴻贍之人共勦

厥事方能揚摧愉快而見任供職者未敢借才

臣擬身總其綱翰林院五經博士孔毓埏為副

外今訪得江南進士金居敬浙江生員曹晃浙

江進士俞兆曾江南舉人孫致彌江南貢生葉
湜江南舉人叢克敬山東候選京職沙汝洛浙
江杭州府富陽縣候選知縣章緯此數人者皆
人品純粹學問優長堪任纂修之役恭請

俞旨勅部咨取到臣等語應照衍聖公孔毓圻所題將
進士金居敬等移咨該督撫速催前赴衍聖公
處纂修可也奉

旨依議

康熙二十五年丙寅七月

上命頒降

御製文及

辛魯典禮於

聖廟纂修館八月初一日衍聖公孔毓圻同翰林院

五經博士孔毓埏纂修進士金居敬俞兆曾舉

人叢克敬孫致彌副榜貢生葉湜候選小京職

沙汝洛候選知縣章緯增廣生員曹晃等於金

絲堂開館纂修

幸魯盛典

禮部咨為移送事儀制清吏司案呈奉本部送
准翰林院咨稱先經本衙門進呈過

幸魯典禮二本於康熙二十五年七月初四日侍讀學
士高士奇口傳此書

御覽已完發與衍聖公孔毓圻併

御製文章七篇一併發出應移送貴部轉發

幸魯典禮二本

御製文章七篇移送衍聖公可也

衍聖公臣孔毓圻

題為

御製天章既煥臣僚撰述宜裒謹報明開讀開館日期

再請

俞旨事臣於康熙二十五年八月初一日接准禮部咨

稱准翰林院咨稱先經本衙門進呈過

幸魯典禮於康熙二十五年七月初四日侍讀學士高士奇口傳此書

御覽已完發與衍聖公孔毓圻併

御製文章七篇一併發出應移送轉發等因咨行到臣
臣即於本日在臣衙門恭設香案率領纂修各
員併臣屬官員族人等望

闕叩頭行禮當即開讀

聖製臣謹親捧安奉

宸翰閣內隨率纂修各員敬於

聖廟金絲堂開館訖臣伏讀

聖製文明煥彩

睿藻揚華言言闡道紹述千聖之精微字字傳心糠粃
百家之論說臣稽往古歷代帝王凡孔廟碑記
祝詞俱出廷臣撰述未聞寶翰親揮若唐宗幸
宅之詩宋帝東臨之贊章宗一詠明祖一詩雖
洋洋聖謨千秋永寶而寥寥篇什體制未弘從

未有

親灑宸翰高文大篇如我

皇上之文同日月之麗天並行不息若源泉之湧地萬
派爭流渾涵義類陶鑄古今廟記溯章述之功
能序贊備始終之條理乃至泉林檜樹亦攄昭
曠之觀孟廟姬祠並著發皇之大夏乎莫尚至
矣難名愧臣知識淺陋猶夫窺天測海豈能識
其萬一惟日與纂修諸臣恭誦體會形之抃舞

抑臣更有請者自古都兪吁咈之朝必載賡歌
颺拜之盛臣伏見

聖駕巡幸扈從諸臣既有應

制之作班聯之上亦多恭頌之詞記頌詩賦體製不同
皆以賡揚盛美黼黻休明即臣等愚昧亦思有
所撰述以紀希邁之典臣擬彙輯編為藝文一
卷附之集後上採卷阿魚藻以誌喜起之休風
旁及夏諺衢謠益見

右文之盛治伏乞

勅下該衙門凡臣僚一應篇什許其於歲內各自繕寫
郵寄到臣容臣編輯成書一體進呈

御覽伏候

皇上睿鑒奉

旨該部知道

禮部

題前事該臣等議得衍聖公孔毓圻疏稱伏見

聖駕巡幸扈從諸臣既有應

制之作班聯之上亦多恭頌之詞皆以賡揚盛美黼黻
休明即臣等愚昧亦思有所撰述以記希邁之
典臣擬彙輯編為藝文一卷附之集後等因前
來臣等伏覩我

皇上濬哲生知文明應運

臨幸闕里釋奠

先師典禮喬皇聲名洋溢揮灑

宸翰麗煥星雲昭揭

天章高懸霄漢開讀則園橋觀聽加恩而泮壁增輝成一代之弘規垂千秋之僅事述稽往籍爰溯曩徽唐虞之君臣賡唱成周之雅頌矢音以及炎漢柏梁初唐應制咸存撰製並有和歌於以黼黻休明發揚嘉美況乎恭逢

聖世欣覩

熙朝崇儒重道鑠古振今凡屬臣僚無不樂為宣贊相

應如衍聖公所請凡扈從部院諸臣及在廷臣僚其有著為文辭鋪揚鴻鉅者無論詩賦頌記俱限於一月內繕寫交與翰林院由翰林院裁訂送臣部轉發其衍聖公孔毓圻等有作亦聽采錄務擇其淵粹有裨風雅者為藝文一類附之卷內非特益孔庭家乘之榮實以徵

聖代文治之盛如此則我

皇上尊崇至聖之意奕禩光昭而臣子頌揚踊躍之情

亦得以稍抒萬一矣奉

旨依議

康熙二十七年戊辰四月

幸魯盛典草稿告成計書一十八卷衍聖公孔毓圻具
疏進呈

御覽恭請

御製序文

上命禮部翰林院會議議上

制曰可仍以原書發館遵

旨詳加增改

衍聖公臣孔毓圻

奏為恭呈

幸魯盛典仰祈

睿鑒

欽定以隆重典事竊惟創非常之典制必在極盛之昌
時集道統之大成端賴綏猷之元后臣考闕里

行幸漢高而後一十四君雖載史書從無專錄
典未鉅也伏惟我

皇上

體膺上聖

道協時中深考於承天治人之故惟斯道之能弘博
綜於前言往行之中以古聖為可法

念典時敏既親載籍以觀摩

文教誕敷復示尊崇為則倣乃於甲子之冬時邁

東巡之駕江淮旋

蹕洙泗停輿愍祀爰修隆儀肇舉陟降在庭儼若羹牆
之接徘徊廟寢恭聞

金玉之音禮樂煥越於百王

恩典普沾於陪祀

宸章寶翰

芝蓋貞珉疊

賜屢頒有加靡已集廟庭之典謨未有富於

天章之魏煥也溯幸宅之典禮未有加於

今日之弘鉅也復蒙

皇上俯俞臣請纂修

幸魯盛典一書臣隨舉金居敬等

題薦纂修至於校閱臣掌謄錄之司臣前疏內

題明於書成之日一體列名隨將校閱張拱樞等咨

報吏部註冊在案自康熙二十五年八月初一

日

題報開館臣統率各員敬謹慎重纂成書稿一十八

卷恭呈

睿覽伏念臣等學識淺陋其間裒輯恐有未當微臣凜凜於心特籲

聖恩宥其愚昧

俯賜裁定並請

御製序文仍行頒發到臣容臣遵奉鏤板進呈

御覽即頒行天下庶普天率土咸仰

尊師重道之崇閔桑戶逢樞共瞻

聖製宸篇之浩博其纂修等員幸際

聖朝得逢曠典應否邀

恩議叙出自

皇上洪恩非臣所敢仰冀也奉

旨這本內事情著禮部翰林院會同確議具奏幸魯盛

典併發

禮部

題前事該臣等會議得行聖公孔毓圻疏稱纂修

幸魯盛典一書自康熙二十五年八月初一日開館纂

成一十八卷恭呈

睿覽

俯賜裁定並請

御製序文仍行頒發到臣容臣遵奉鏤版進呈

御覽即頒行天下其纂修等員幸際

聖朝得逢曠典應否邀

恩議叙出自

皇上洪恩等語臣等仰見我

皇上崇儒重道邁古軼今

典禮遠駕乎百王

制作永垂於萬世

宸章睿藻煥若日星

芝蓋貞珉昭於雲漢茲

鉅典已成

鴻篇告竣相應

俯允所請

寵錫序文鏤刻頒布斯一代之弘章允著而千秋之正
學增輝矣至書內批簽共三十二條應令遵照
改正詩文所載尚少亦令增入其纂修八員應
賞給表裏各一疋於該部移取可也康熙二十
七年十月二十六日題本月二十八日奉

旨依議

康熙四十年辛巳三月衍聖公孔毓圻恭呈修
成

幸魯盛典稿本四十卷

孔子六十七代孫太子少師襲封衍聖公臣孔

毓圻

題為恭進

幸魯盛典稿本仰祈

欽定頒發以隆重典事竊臣恭遇我

皇上欽崇

聖學

臨幸闕里

親祭

廟林

典禮至隆

恩澤至厚皆亘古之所未聞洵足度越百王輝映億
禩先經臣於康熙二十四年四月間具疏請纂

修

辛魯盛典一書昭示天下萬世蒙

恩俞允臣隨舉進士金居敬俞兆曾舉人叢克敬孫致
彌副榜貢生葉湜候補小京職沙汝洛候選知
縣章緯增廣生員曹晃等同任纂修之役亦蒙
恩准咨取到臣於二十五年八月擇

聖廟之金絲堂開館纂修至康熙三十七年告成計

正文一十四卷頌揚詩文四卷共計一十八卷

進呈

御覽恭荷

皇上寵錫序文并發原書內奉

欽定批簽三十二條令臣遵照改正詩文所載尚少亦
令增入臣謹叩頭謝

恩同臣弟五經博士臣毓埏及纂修諸臣等敬謹詳慎
遵奉

御批一一改正并遴選詩文增入外復蒙

皇上特發帑金修建

祖廟壯麗堅固遠邁前規工成之日又蒙

特恩命

皇子行祭告禮又蒙

御製碑文

御筆親書

命官率

內府供奉名手鈎勒摹搨進

呈又蒙以

御書墨蹟

賜臣珍藏

天恩優渥有加無已皆

廟庭從來未有之

異數而人臣不敢冀望之

殊恩也抃舞之餘屏營彌切謹同纂修諸臣備載入書

修完正文二十卷詩文二十卷共計四十卷裝

潢成帙臣謹親捧恭

進外伏念

聖德崇隆

皇恩浩蕩臣等經生之筆豈能測量

天地之廣大摹寫

日月之光華訛類必多疎蕪不免伏冀

聖恩垂矜庸陋曲賜涵容其中有應改應刪之處臣現

帶纂修官原任翰林院庶吉士臣孫致彌在京

候

旨即令致彌欽遵刪改費回曲阜臣當虔奉刊刻刷印

進

呈頒行天下俾六合之內萬世而遙共仰我

皇上尊師重道卓冠古今而文教益振正學彌隆矣至
於纂修諸臣朝夕編摩無間寒暑皆因感荷

天恩力圖報効不敢偷安臣得藉以成書報

命皆

卷二十一
皇上聖恩所賜也臣原舉纂修官八人今僅存孫致彌
叢克敬二人在館一十六年辦事最久近叢克
敬又以抱病回籍其孫致彌曾蒙

召對久在

皇上睿照之中臣與共事多年見其學問淹通為人勤

慎臣仰體

皇上愛惜人材至意敢為據實奏

聞儻蒙

皇上格外叙錄則又出自

高天厚地之特恩非臣之所敢希望也伏祈

聖鑒勅部議覆施行康熙四十年四月初二日題本月

初五日奉

旨該部知道

臣謹按

聖門紀載之書見於歷代經籍之志者有孔志闕里
祖庭記東家雜記孔子世家譜孔氏編年孔氏

實錄孔聖圖譜孔氏全書聖門通考聖門人物
志闕里志孔子弟子傳贊孔庭纂要孔聖全書
孔庭僉載諸書篇目殊夥纂輯相沿然非子孫
之追述先型即儒生之推尊至聖握鉛懷槧多
在芸窗襞紙濡毫率由部屋且也盈箱累篋惟
傳闕里之遺文紀事纂言莫載朝家之大典猶
且垂諸藝苑播在儒林未有

天章

宸翰親揮灑於寶跗

帝典

王謨頒記注於玉署采兼葑非奉

德音以求才堂啓金絲沐

天恩而開局

聖朝之謨烈乃增光於魯壁之旁下士之編摩得仰塵
於

厦旃之側如臣等今日之受

恩過望沐

寵逾涯者也欽惟我

皇上德邁羲軒

功高姚姒

心符聖道隆

恩禮於

先師

手握化機啓文明於寰宇

特紀

熙朝之盛事聿垂萬世之芳模臣等猥以菲材濫廁載筆非不思鋪陳

盛烈揚圻

鴻猷而一蠡不足測溟滓之深尺管不足量圓穹之大
凡歷十六年之久始成四十卷之書幸得載

聖德之商皇庶可掩蕪詞之弇鄙所冀仰激

睿鑒裁自

淵衷一經筆削於

九重彌增光焰於萬丈則文河學海皆沐

恩波經笥書囊咸沾

聖澤縹緗輝映時見星雲日月之光華琬琰流傳永匹

虞夏商周之制作矣

禮部

題前事該臣等議得衍聖公孔毓圻奏稱恭遇

皇上臨幸闕里

親祭廟林典禮至隆

恩澤至厚先經臣于康熙二十四年疏請纂修
幸魯盛典一書康熙三十七年告成呈覽恭荷

皇上寵錫序文併

欽定批簽三十二條今臣遵照改正詩文所載尚少亦
令增入臣謹同纂修諸臣遵奉

御批改正併遴選詩文增入外復蒙

皇上念

祖廟隳敝發帑金修建又命

皇子祭告又蒙

御製碑文

御筆親書謹備載入書修完四十卷謹親捧恭

進外其中有應改應刪之處臣現帶纂修官原任翰

林院庶吉士臣孫致彌在京候

旨欽遵

御批刪改虔奉刊刷進呈頒行天下等語臣等恭惟我

皇上治紹唐虞道隆洙泗

躬詣闕里

親祭廟林重道崇儒從古未有應如行聖公所請將
幸魯盛典一書恭候

皇上刪改刊刻進呈頒行天下垂之萬世又稱臣原舉
纂修官八人今僅存孫致彌叢克敬二人在館
一十六年辦事最久近叢克敬又以抱病回籍
其孫致彌臣與共事多年見其學問淹通為人

勤慎倘蒙格外叙錄則又出自

高天厚地之特恩等語查議叙官員事隸吏部其孫致
彌議叙之處俟

命下之日交與吏部可也本月二十二日題二十四日
奉

旨依議

吏部

題前事該臣等議得禮部咨稱衍聖公孔毓圻疏稱

臣原舉纂修

辛魯盛典原任翰林院庶吉士孫致彌在館一十六年
辦事最久學問淹通為人勤慎倘蒙格外叙錄
則又出自

高天厚地之特恩相應將孫致彌議叙之處俟吏部議
等因具題奉

旨依議欽此欽遵移咨前來恭惟

皇上道崇先聖

功邁百王

省方觀民

過魯講學既

親祠祭

重煥宮牆

御筆天章

光昭星日

深恩厚澤

慶衍裔孫風教宏施寰海普被今衍聖公孔毓圻因
皇上幸魯盛典告成疏稱纂修官孫致彌在館一十六
年辦事最久學問淹通為人勤慎題請格外叙
錄相應將原任翰林院庶吉士孫致彌准其原
官用可也臣等未敢擅便謹題請

旨五月二十三日題二十五日奉

旨依議

幸魯盛典卷二十

欽定四庫全書

幸魯盛典卷二十一

扈從

聖駕釋奠闕里兼

幸孔林恭紀百韻

太子太傅保和殿大學士兼禮部尚書臣王 熙

帝德開堯舜王風懋禹湯淵源歸夫子統緒屬

今皇百代心符契千秋道頡頏

臨雍隆典禮講學肅冠裳寤寐親賢哲甄陶徧黨庠
覃敷文教遠赫濯武功張參贊通三極含弘暨
八荒醴泉流浩浩膏露降灑灑圃已遊麟鳳郊
真絕虎狼會朝班玉瑞垂拱握珠囊泰運占方
永乾行本自強學惟明體用理必晰毫芒地衍
龜龍數天騰奎壁光鏡圖歸掌握山海盡梯航
中澤無鴻鴈平疇裕積倉照臨儼有赫咻噢視
如傷效順徵河岳隨時若雨暘蠲租仁自遠解

網澤何長風動羣從欲陽和立起僵貞符逢甲
子元會際陶唐九月宜秋狩豳風正築場康衢
馳

鳳輦飛騎躍

龍驤先問齊吳俗旋臨鄒魯鄉省耕歌夏后時邁歷
周疆泰岱遙重接龜蒙近可望青丘曾誌祀絳
節更迴翔親聖觀車履嚴師樹表坊物章存掌
故考核俾精詳集議咨宗伯先期遣奉常樂教

曲阜習衣自辟雍將

宸斷超前古尊崇極帝王遵塗經費邑覽勝憩林塘杖履如親炙川原未渺茫連漪昭大道臨眺煥

宸章肆覲隨

行在恭迎側路旁上公深儼恪萬姓競歡康列幕周環衛齋宮敞

御床分曹儀制備序事駿奔忙曉漏籌初唱宵衣夜未央紅雲紛繚繞黃屋獨高昂

玉趾行中道金貂翼兩廂升階容漆漆承祭氣洋洋
彩碧輝廊廡丹青畫棟梁巍峩聯象緯陟降見
羹牆我

后惟恭默千官共濟蹌祝辭親致奠綴兆儼成行栒簾
懸鐘鼓形鹽間豆觴塤簾兼鳳管琴瑟竝笙簧
燭影明於晝爐煙細不颺迎神先奏曲奠帛早
承筐此日芹為菜當年食必薑牲牲羅鼎寶酒
醴挹神漿雕繪陳筵几薌萁進稻梁具饗盛東

栗秉簫舞蒼筤醢鹿常為脯橐魚欲勝魴諸賢
洵紹統

啓聖實開祥殷祀欣同舉褒崇可共當精誠交冥漠
明德薦馨香祖烈須揚大孫謀貴用臧承前誰
接武考業孰盈絀爰厯奎文閣來登詩禮堂談
經詳格致闡易辨陰陽

天語何諄篤家聲在熾昌存心宜勿替敦行有餘慶劍
佩容猶昨琴書澤未亡循牆心自切懷古意難

忘行教圖傳賜雲雷制本商額題師表燦蓋拂
廟庭黃有地壇名杏無枝檜似鋼靈根闕氣運
天賦重琳瑯古石苔斑駁唐槐肆遠揚摩碑知米芾聞
教憶陳亢複壁藏皆出寒泉汲獨嘗登堂思慨
慕拜墓益齋莊樹撫欒檀老花寒文草芳叢著
符易數竒木植諸方華表寧歸鶴端門定集鳳
禽蟲咸感格荆棘絕披猖瀆伏流穿濟山紆翠
帶防儒風興奕世大義重三綱博物知萍實先

幾辨土羊轍常環海內道自任行藏彬郁從周
禮裁成抑魯狂筆真嚴斧鉞歌豈棄滄浪漢祀
恒相襲秦灰總不妨賞心時至止撫景越相狎
增域餘千畝題詩爛七襄

賜書篇鄭重頒錦色輝煌爵秩

恩加厚松筠操比霜一門邀

寵錫四野樂倉箱漢代嗤分肉齊侯陋發棠觀光欣藹
藹受福詠穰穰廣運原無外高深豈易量旦明

嚴對越扈從愧劬勲瞻仰茲何幸趨承恐未遑
有懷時抑抑待

命實惶惶夙凜心如水還期道勝剛誕登今在望灑掃
志初償書已先呈洛星看早聚房小臣慚獻頌
拜手慶元良

恭紀

幸魯盛典五十韻

文華殿大學士兼吏部尚書加一級臣宋德宜

天縱膺圖錄

皇猷秉憲章欽安侔古帝道德邁前王已契精微統還
登詩禮堂琴書貽典則几杖遡津梁遂省詞臣
奏爰收給事囊

龍旂指魯甸

鳳輦出東方日觀峒崑甚天齊控馭長升公稽具典
建嶽鎮非常漢檢埋何處秦碑蹟已荒惟聞小
天下兼亦望餘杭泗境平如掌泉林水似湯循

環川上意親切

聖人鄉

行殿衣裳肅齋宮劍珮忙香煙分御鼎玉帛貯承筐
奔走東家裔趨蹌贊禮郎明禋蠲秬鬯干羽叶
笙簧

展拜申殊敬鳴謙蹈允臧

天顏惟穆穆侍從更煌煌

講幄陳書卷談經晉秀良繫辭宣秘奧大學闡微茫

孰許園橋聽惟傳循吏當可知邀獨賞動念切
如傷縫掖誰能畫音容儼不忘吳生推妙手顧
凱亦專場寓目傳家器旁觀韞匱藏尊壘刻犧
象斑駁富珩璜壁甃千尋井金絲萬仞牆杏壇
猶歷歷檜樹轉蒼蒼師表新題額松筠復建坊
恩波誠浩浩

膏露正瀼瀼古宅殊東第佳林異北邙墓門羅瑞草
洙水接銀潢止輦勤瞻仰升階布肅將壺傾三

島露杯酌五雲漿木亦稱端楷著能貢吉祥林
垌光秀發榛莽色飛揚豈繫家行慶端由運際

昌

榜懸垂日月

詩咏勒珪璋賦已揮柔翰碑仍寫硬黃

君師齊建極性道獨提綱上相欣隨輦新銜竊望洋蹕
應臨斗分家本住吳閭風景寧殊昨鄉關遠不
妨荷留密勿地暫隔

御爐香桑梓沾膏雨粉榆喜頡頏禮曾觀太學官昔
備東廂釋奠榮膠序臯比列上庠後先原婉美
聞見協重光

魏煥難為述

高深未可量東巡擬有頌簪筆幾徬徨

上幸闕里釋奠恭紀

戶部尚書管兵部尚書事

臣梁清標

元后敷文治貞符啓泰年光華凝景慶聲教匝垓埏理

契軒圖始心參似範先執中

皇建極合撰

聖希天絕學留洙泗餘音被管絃累朝陳俎豆六代備
官縣遺澤涵終古

宸修叶自然

駕從丹陛發

詔有紫泥傳特舉巡方禮

親臨釋奠筵風雷環柱桓雲日絢山川戒事多齊稷齋

居致吉蠲舞人張羽葆肉吏薦珍饈酒泛三重
酌香浮百和煙羹牆神貺接

綸綍國恩偏別貯

金莖瑤頻頒

玉府錢殊榮流後裔曠典及前賢講席垂

清問園橋領秘詮紱麟徵舊蹟鬣馬展新阡汎掃皆除

賦陪敦更錫田八荒同律度萬彙入陶甄

睿藻星辰麗

鴻章琬琰鐫

鑾輿欣出震

龍德喜乘乾
海岱高深竝
君師道法全
名言誠不易
徒
此測蠡淵

再紀二律

六龍初駕五雲車
一路山靈望

翠華洙泗歛來

天子氣圖書重啓
聖人家雍容法從
闕星緯爛熳

奎章絢海霞

詔下蠲租歌舞處

九霄春雨徧桑麻

其二

泰運忻逢肇上元

時巡環衛儼雲屯

皇猷一代崇經術道統千秋屬

至尊琴瑟錯陳天上曲師儒賚予

聖朝恩振興文教高今古海岱先生禮樂門

大駕幸闕里頌有序

戶部尚書臣陳廷敬

康熙歲甲子

皇帝臨位二十有三年海寓寧和黔黎輯乂仁聲布流
旁暢域外肅肅雍雍咸稱

聖意於時三事大夫颺言曰昔者刻玉遊河披圖巡雒
襄野之駕塗山之會皆能焜耀簡籍垂於方來

仰惟

皇上當位作聖首出建極君師之統千禩一時乃猶屈
已求賢虛懷訪道廣廈細旃之上誦吟冊書潛
神討研宵旦不輟勤踰儒素遐稽統緒嚮往孔
子思致殊禮肇盛典者久矣今茲萬國既同文
化懋興宜遂以時宣省風教展義魯邦下塞衆
望

皇上凝睿思延廷問久之迺

詔曰事

先師禮重且嚴惟茲二三輔弼暨廷臣之嫻於制者
采擇古誼以聞又

詔曰汝廷敬實惟予舊講臣其與議所宜行臣從諸臣
後議具上

皇帝曰俞朕慕聖道敬因東巡狩詣

先師宅里其毋重煩吾民供億於是肆

赦軫農放稅已責弘敷愷澤於天下然後乃歷吉日

協靈辰野廬警路宮正設蹕

玉輿曉升

惟殿夕御前驅朱旗屬車日羽以臨乎岱宗是時未
臻乎闕里也飛旆淮江觀民設教月屆黃鐘旋
軫南陸聿來

聖居覽觀林廟圖書器物之盛嚴恭將事樂奏禮行
光景矜嚮聖歆如答臣廷敬向以儒學猥蒙擢
任又特被

勅旨議禮恭睹禮成不勝歡忭震躍伏而思曰前代之
崇禮者可紀矣太牢特祀肇自西京褒成裸將
爰及東漢貞觀定朝會之儀開元錫文宣之號
罷物之賜渥於廣順陪位之班詔始祥符至和
加衍聖之稱承安世曲阜之令皆名為崇儒重
道而備物致誠忘勢而希至德惟我

皇上為列辟稱首臣以淺識窺較萬世師表之稱則與
乾坤同其悠久也六經表章之澤則與日月並

其光華也留

鳳蓋於戟門車服禮器所未備也頒

龍章於鄉校普天率土所共瞻也喬喬皇皇莫與京矣

臣謹拜手稽首而獻頌曰

惟聖體道生民拔萃德踰位兮惟

帝則聖統壹萬類位斯配兮

龍飛於天周覽八極嘉鳳德兮聖作物覩垂祀萬億視

魯國兮

帝開明堂于美于牆坐則見兮

帝會方岳東西南朔來殷薦兮

鑾車戾止鏘鏘穆穆金絲肅兮

駐蹕古亭雲霞委屬清泉瀆兮上公稽首籩豆奔走

昭世守兮暨四姓後博士童耆

恩滂厚兮

賜所過租歌騰于塗惠我人兮惟

帝福我我神其妥戴

大君兮萃萃髦士百爾濟濟頌聲起兮於赫

帝功與天比崇無終窮兮

聖駕幸魯恭頌四十韻

禮

部

尚

書

臣

張士甄

道際中天盛文成麗日奇

法宮勤丙夜宣室凜晨曦玉鏡心同朗珠囊手自披

笙簧揚六籍黼黻煥重離綱紀千官飭梯航萬

國馳鳳麟遊德囿龍馬告昌期共識君師合誰

言政教岐爰因方岳覲恭

詣

聖人祠城郭鳴

鸞動山川簇仗移諸生環豹尾博士擁臯比俎豆彤
軒列簫韶翠琯宜以尊還下拜為享更多儀堯
禹鬚眉接顏曾劍珮隨巍巍存魯殿肅肅覩商
彝五老迎庭集雙螭繞室歌壁疑藏竹冊堂隱
聽金絲黃玉低書案紅雲傍講帷考鐘兼伐鼓

習禮及陳詩嶽嶽羣推角忻忻竝解頤

恩頒四子後澤被五經司不盡高山仰來過泗水涯長
春留奕葉復旦喜今茲甫柏遙扶

輦泉林近繞旗尋行築室處想像夢楹時履舄看猶
見衣冠儼在斯龍蛇盤斷碣烏雀避靈枝異植
傳梁木殊名辨雒著蹕亭聊憩息

睿藻已淋漓玉版凌雲起金聲擲地垂

典謨真寶訓騫翥見神姿詎數唐宗贊還超漢代碑碧

雞徒遣使青鳥漫銜辭正學懸星日遺書重鼎
鼐道風環海暢心月普天窺書載都俞盛易傳
謙德撓始知元運世應有

帝為師河洛浮丹甲堦墀產赤芝六符平似砥五緯合
如規間氣鍾鳧嶧真儒起洛伊小臣遲扈從獻
頌效傾葵

恭紀

駕幸闕里詩

經筵講官吏部尚書臣熊賜履

尼山秉教鐸千秋斯道彰懸象揭中天微言復
光昌表章賴哲辟載籍紀前芳漢高修宇享唐
宗薦袞裳褒崇竝祠祀宋制備膠庠豈無右文
主沾沾循舊章至理鮮孚契儀節徒鋪張我
皇天縱聖淵默接羲黃

宸衷太極涵舒卷叶陰陽以茲隆化理一一邁前王甲
子貞元會薄海慶平康肇舉東巡典禮秩崇珪

璋

帝心尤重道

法駕賁宮牆虔修釋菜禮鈞奏何洋洋儒生講席開

尊俎倍輝煌萬世真師表

親題御墨香

天章揮藻翰貞碣亦琳瑯爰逮四氏裔

恩澤施無疆隆禮兼異數宣布示周行六宇盡歡呼斯

文日月光愚臣慙謏陋叨隨

太液傍值茲鉅典成拜手事賡颺

聖駕臨幸闕里釋奠

先師恭紀

經筵講官刑部尚書臣張玉書

康熙二十有三年歲在甲子玉書承乏為禮部

侍郎會

朝廷稽古省方將有事於

闕里謹從廷臣後蒐討舊文參預末議比及冬十一

月

乘輿自南旋軫渡淮入兗遂歷泉林抵曲阜詣

先師廟堂降節致虔禮明樂備復詣

孔林臨墓再拜遠近瞻仰莫不欣歎時玉書方屏伏

聖廬未及恭與陪扈迄丁卯夏以刑部尚書奉

命入京師從沂水紆道肅謁

聖廟迺獲聞

車駕臨幸隆儀異數之詳因得備觀

留賜曲蓋及

御書廟額與

御製詩賦贊記之文

天章雲藻照耀宇宙載籍以來所未有也敬賦長句三

十韻以志盛典

子律新調景德昌干戈載戢惠風翔

宸鑒已陟天門迴時邁還經魯甸傍七萃旌麾臨

闕里八神警蹕匝平鄉班聯朱紫園橋盛羽葆丹青

夾陛長肅穆升階嚴北面拜稽當殿直中央詔

定行三跪九叩禮

袞旒佩飾彤帷啓

唐開元中追崇孔子以袞冕之服始

用王者禮樂

河海儀形斗曜彰

乾封中祝文天縱攸高蘊河海而標狀

犧象器存三代制

漢元和中留犧象尊祭器

宮軒樂具兩楹

藏渟泓濶井深涵澤

井在詩禮堂後

截竊奎文爛吐芒

奎文閣在廟南

杏繞古壇濡雨露

杏壇在殿廷前

檜標孤幹老

冰霜

孔子手植檜高三丈有奇圍四尺在杏壇左側燬于金貞祐出于元至元自明弘治

中復燬又歷二百年不枯不榮其

幹如鐵御製古檜賦勒石檜前雲盤石棟龍

髻起

大成殿九間殿前盤龍石柱

日射觚稜鳥翼張掌故追

探陳典物心傳默契見羹牆崢嶸舊宅金絲壁

金絲堂係魯壁遺址

清切譚經詩禮堂

講筵設于詩禮堂

勉孝勸

忠宣諭渥賚衣加秩荷恩壤

御講筵畢宣制勗勉忠孝是日

賜衍聖公以下裘服有差孔氏子孫進講者授以官

鸞鈴更指瑩林路

祀廟

禮成即幸孔林

豹尾徐穿栝柏行洙泗合流川效瑞

水經

注洙泗二水交于魯城東北

尼防拱峙阜呈祥

曲阜城東門曰尼防聳翠

上尊展酌低徊久

駕於墓前酌酒復行再拜禮

玉趾從容顧問詳

駕周覽孔林詳問樹木及林址

木辨土宜森異種

樹多不知名皆當時弟子各以其地所宜移植林內

著鍾靈秀鬱奇香命

行聖公採著草進覽

棲巢遠避禽知敬

孔林內鳥不結巢

叢棘潛

除草自芳

後漢初闕里荆棘自闕

守衛典祠增卒史

漢卒史碑

一名百戶碑行聖公奏今百戶乞由朝選

陪敦拓地永烝嘗

拓林地一十一頃有奇悉除額稅

詔留曲蓋輝車服

留曲柄繖於廟廷

詠叶宮聲夏徵商

御製五言律

詩一首寶額大書懸禹畫

萬世師表四大字

穹碑矗立煥

堯章

御製碑文並書碑高一丈八尺廣六尺五寸重七萬觔立於金聲門右特崇

元聖親藩薦

遣恭親王祭廟即魯太廟遺址

周公備錄先儒奕

葉光

周程張朱四子裔先後俱授博士

盛事允應垂琬琰賡歌

豈直徧膠庠微臣近幄嘗趨講末學觀瀾但望

洋真等醢雞窺鳳德儻容樗朽向秋陽緬思縹

筆窮終始

孔子感曾子孝行以縹筆作孝經

獨抱韋編究否臧

董教每慙耕讓畔祥刑仍藉禮為防欣開殷后

三驅網

下詔大赦

共贊虞廷五色裳所過賜租人樂

愷經過地方
俱免丁銀有年多黍戶豐穰上元厯紀中天

運帝道休明被八荒

東巡雅十三章

都察院左都御史臣徐元文

上帝靈鑒貺我

皇清我

皇秉聖

三后適成克誠九區交暘六英美我

皇度翼翼明明

維歲甲子冬日載融

皇時省方屈于大東

鑿輅雷野芝旂翳空清濟漸車靈嶽望風

戕戕靈嶽表鎮曰岱馳走百神苞并萬態陋彼
升封虞柴是配

登覽雲物鬱何靄靄洪河決潏長江蕩潏

龍艦星移及吳之域惠彼小民湛我

皇德還

御六虬袞服是即

陪尾之陽四源交瀉水哉水哉不舍晝夜

皇過川上神契元化瞻望闕里僕臣趣駕

麟蹤既邈鳳德何長教澤弘衍翊我

聖皇萬乘至止

夫子之鄉章縫迎路簪黻升堂

於赫

夫子濯濯厥靈肅將苾芬祀事孔明鬱鬯龍勺象彝
犧尊八音克諧羣后駿奔

寢宮轍轍

夫子所憩

皇陟于庭探索琴佩芳颺猗蘭青浮鐵檜見於羹牆其
容有睟

防阜之林百頃交陰異國珍產蔚為同岑文楷
輪囷以杖以樽擘其叢蒼穆哉

皇心

穆哉

皇心更

御雕几爰

命毓圻秩爾孫子肆列組筵進講以次遺經再展

皇心燕喜

皇錫毓圻錦衣貂裘庭列曲蓋以饗春秋毓圻稽首

天子萬壽

皇詔毓圻保父爾後

東野支封禽父是宗錫之冠帶以康周公兩聖
作師文其在茲敦儒闡道千載一時

惟星則煌惟雲則爛

聖藻光輝輝于天漢懋建有極登道之岸昭示萬邦如

日斯旦

皇帝幸闕里恭紀十章

經筵講官吏部左侍郎兼翰林院學士臣李天馥

我

皇臨御二紀攸厯治洽澤敷禮昌樂輯函夏無塵薄海
有謐邁彼厥初致茲峻極纘古省方乃眷東國
貞元會符令轉姬訾日月載陽蠲戍練時
警蹕初清期門攸飛

黃麾甫戒華旄競馳爰遵爰較業業駸駸

允猶翕河朔洙達泗龜鳧戢戢鬱鬱蘊異緩馭
六龍憑矚百雉道德敷區絃歌闐闐杏壇在瞻

皇情嘉慰

畧分崇道殊禮維虔有嚴有翼周折中旋萬舞
九成韶濩雲咸陳盈博碩儼殫豆籩彼漢太牢
何以稱焉

有秩者堂檜實蟠止有蔚者林楷實繁止鐘鼓
載考應和鸞止荆棘攸除啓班蘭止泮魚優游
威儀閑止

乃灑

宸翰鳳蕭龍驤乃攄

睿藻霞蒸雲翔辭原六經義度百王歡溢聖裔慶洽聯

行作鎮金絲奕襪維彰

皇帝曰咨咨爾嗣公勿替厥緒永藩于東

弘恩用錫漑暨乃宗爰逮三氏儷惠比隆羣拜稽首敬

承下風

維茲嗣公克欽

休命

御序碑豐鴻文軸瑩集典成書採風作詠發造化微得
天地正事絕來賢道光往聖

豈曰家乘允屬

國維弘館肇開羣彥景隨匪徒隨之乃挾摛之匪徒
誌之乃讐釐之

宸章在望我

君我師

錦帙告成

聖製王綸包含宏大溥洽深仁治統以極道統以真羣

蒙式昭四表澤臻億萬斯年振古如新

聖駕臨幸闕里恭頌四首

戶部左侍郎臣蔣弘道

千秋文教訖遐荒俎豆前陳闕里堂道繼唐虞

真統緒星躔奎壁大文章

鑾輿順動歌時邁玉帛

親承肅裸將四海望風欣曠典

皇猷聖澤兩無疆

其二

璇榜

親題麗景開龍文鳳藻挾天才
君師道合隆千古雅頌
聲傳動九垓魯殿金絲寧寂寞
鐫京雲漢重昭
回更留芝蓋傳

溫詔歲歲常如

警蹕來

其三

欲隆師道

詔崇褒

聖敬奚辭九拜勞孤竹管吹鸞舞應兩山樽舉嶽雲高

橫經入侍依

宸幄錫爵推恩逮譽髦臣庶歡呼騰廟廡灌壇遙和有

松濤

其四

真接聞知千載前右文

景運竝中天

凝旒素切羹牆慕配祀今瞻繪塑全位屬師臣門列戟

祭從侯爵樂軒懸何緣鉅典逢

昭代如際麟符吐瑞年

聖駕幸魯祭

至聖先師恭紀八律

禮部左侍郎兼翰林院學士臣王澤弘

帝纂三皇統儒遵百世師後先原一揆授受若同時

特命汾陽駕遙臨闕里祠

聖君巡幸日萬世仰弘規

其二

漢祖經過後祥符設奠餘徒聞飛鳳詔無復駐
鑾輿道合神如接誠通禮不虛一心符往聖會
見出圖書

其三

停輅懷先範
握衣入聖門

帝心惟執敬
師道自常尊
六代絃歌在
千秋俎豆存
聞知如覲面
效法豈空言

其四

魯地留遺墓
欽崇亘古今
尼防迴嶂遠
洙泗合流深
露浥叢著潤
雲含古檜陰
攀條

摘睿藻如見聖人心

其五

不獨壇名杏蕪看草是文四時潛受氣五色爛

披雲

聖主垂清問遐取播異聞應嗤大同殿三秀頌紛紛

其六

宸翰昭雲表

先師萬古崇鳳鸞迴映日龍跳直擎空篆刻頒

天闕章縫仰泮宮早知海內外文治樂同風

其七

啓聖推隆典姬公溯道源三王兼盛業六學纘
微言北極崇時享東蒙等大藩還聞四氏裔簪
紱盡承

恩

其八

天縱遙相接心傳久不忘一時興禮樂六合向
膠庠

帝德河山著

宸章日月光臣工懽際會拜手慶垂裳

幸魯盛典卷二十一

欽定四庫全書

幸魯盛典卷二十二

聖駕幸闕里頌

有序

經筵講官禮部右侍郎兼翰林院學士

臣徐乾學

臣

聞禮樂之祀百世不絕道藝之宗萬禩永守

泗水松楸之地殿接靈光稷門絲竹之堂里通
歸德玉弩載驚而後俎豆攸宗金書遞出以還
牲牢無闕我

皇上以神聖之姿致雍熙之治兩階樂正簫韶昭秉歷
之符三禮秩宗珪璧有成功之瑞山川協應日
月光華用徵肆覲之儀遂行時巡之舉於時星
紀司歷陽灰動管喬雲不散榮光竟天駐蹕之
亭翼如講樹之壇既掃

行宮停輦致享靈祠舊宅捫碑式瞻古殿徘徊乎萬
仞陟降於兩楹三獻告終六樂具舉智源溢涌
文檜龍蔥集四氏以加

思進諸生而講藝爰揮

睿藻丕煥

宸章懸針垂露之書綴玉編珠之句雲霞標舉星日昭

垂加以錦綺紫裘綠函朱額

恩施至渥

賜賚有差至乃撤羽蓋之九旂留諸

殿寢損太倉之萬廩捐彼田租肅將公旦之祠徧秩
羣賢之祀事有曠而特舉典無鉅而不修且夫

褒揚至道洪業也崇禮先師上儀也

萬乘屈尊盛節也四方觀化極治也於以婉軌蹟於義
農臻憲度於韶夏含齒戴髮渾淳子禮樂之中
反踵貫冑匝洽乎詩書之澤榮號顯名遐不懿
哉臣乾學忝竊庸虛叨逢景烈違史談從岱之
願效吉甫頌周之情謹拜手稽首而獻頌曰

防陰祥發泗水源分天垂黃玉神降丹文荒塗
典籍漆室邱墳誰開霽霽實揭星雲大野窮麟

幽宮走兔堂閔金絲坑銷竹素燼滅江陵波沈
底柱五厄頻遭六經非故非無顯德亦有乾封
祥符駐蹕建武臨雍三犧備具六樂春容治非
極軌禮故殊逢道以人弘聖由天授於鑠

熙朝洪惟我

后驪栗扶輪羲軒把袖樂御德車禮耕仁耨羹牆至道
夢寐微言登山卑垤觀海知源時

臨經席屢

幸橋門

皇情紆眷

聖意逾敦總攬前規旁參故禮議合容臺斷由

綈几推策仲冬披圖甲子秩於岱宗旋

臨闕里歲蕤豹尾颯沓龍旂千乘欲野萬騎斷流山

寒樹直天濶雲稠言傳

翠蓋泣止華輶檜徑晨除杏壇夙設璧水鱗紋玉堦

肪截趨蹌五氏森羅十哲祝史詞敝司筵籩潔

爰觀綴兆乃奏和寧循牆彌肅薦豆維馨昔讀
其書今陟其庭淵源一氣登假無形俯仰松楸
徘徊榱桷展敬封塋還披講幄孝先便便充宗
嶽嶽同異相參精微互駁煌煌

典誥爛爛

奎章銀鈎飛動玉軸琳琅鳳觀虎卧鵲顧鸞翔輝流翠
拱麗溢縹緗惟茲羽葆實陳鹵簿

顧謂司儀留諸

殿廡有續皆挾有粟斯雨

恩先四姓膏流萬戶大禮備矣

皇曰旋歸雲迴黼帳風捲朱旂瞻言繡壤昔有衮衣蘋

蘩

遣告靈爽斯依欽我

聖德巍乎鬱律義峰造天智源濫日登三為四襲六而

七小臣作頌摘諸石室

恭和

聖製甲子冬至幸闕里詩

禮部左侍郎臣嚴我斯

詔下巡東土光生闕里堂右文崇禮樂訪道見美牆遺

韻金絲遠清風檜柏長顧瞻

宸意肅香繞袞龍裳

聖駕幸魯恭紀二十韻

兵部左侍郎臣張可前

貞元時適會河洛畫重開

聖德由天亶文思出

睿才聲明昭宇宙
濊澤暢埏垓庶草蕃
蕪起歌風康阜

回爰

勤繞日駕特詣望雲臺
氣協三靈集

恩昭萬象迴

龍旂高泰岱豹尾起風雷
為道尊非屈隆師禮益培

杏壇真肅穆魯殿更徘徊
樂奏雲門舞尊傳漢

代蠱生儒環聽覩裔屬共趨陪
濟濟橋門盛雍

雍講席恢經從

三殿賜篇自五雲裁奎壁聯東序蛟螭齟上臺賡颺
金檢秘捧護赤虹來遺宅施

黃幄深林掃碧苔真逾宋蹕光欲滌秦灰曠典入
咸仰儒風道已該愈知宗孔孟孰敢望伊萊幸
值唐虞際摘毫愧乏才

大駕幸魯恭紀

禮部右侍郎兼翰林院侍讀學士臣王颺昌

漢帝尊師日軒皇問道年榮光洙水上佳氣稷
門前祀典千秋盛宮縣六代全

鸞回東岱後地接魯宮偏釋奠新傳

蹕橫經舊講筵香登山果熟馨薦澗毛鮮湛露流
鼎文明列豆籩楷枯蒼蘚圻檜老鐵鱗卷宗廟
宮牆富邱陵日月懸神明來陟降

帝意慎周旋拜手音容接齋心禮數虔兩楹同肅穆萬
舞共踴躍宅兆無荆棘堂基有管絃深林羣鳥

避遺壁古書傳

鳳旆明朝旭
龍旂動遠天

宸章紛藻績

御墨吐風烟
遺愛官宗子
推

恩賜墓田微言非有諦
妙契已忘詮

至治通三極
同文徧八埏
崇儒邁今古
史館待斯編

大駕幸闕里賦

有序

兵部右侍郎
臣張英

皇帝御極二十有三載重熙累洽區宇乂安文德覃敷
聲教四訖乃稽古時邁肇事岱宗謁祠闕里典
禮崇重恩澤優深臣庶懽欣遠邇嘉歎夫元和
盛年咸平昌世僅奏六代之樂修再拜之文猶
垂式簡編流輝今古詎有遠

御六龍親屈

萬乘展隆儀於稽拜施殊敬於儒先

聖德顯隆如今日者焉洵足以超軼往牒焜耀前紀也

臣
幸際昌期得瞻鉅典雖固陋謏劣不足以發
揮鴻藻然珥筆承明職茲紀載頌揚休歟敢曠
司存謹拜手稽首而獻賦曰

於爍惟

皇繼序纂光本仁祖義昭憲考章奠玉衡於神軸握金
鏡於天閭調四氣以通正歛八風而協祥於是
西踰細柳東跨扶桑交河北徼比景南鄉靡不
丹梯走傳碧海浮航輪琛太府隸名職方耀幽

遐以日月襲鱗介而衣裳越萬里以入贄重九
譯而來王是以化洽太和道隆邃古納九垓之
管籥總堪輿之扃戶參天地之清寧儷貞明之
作覩文軌合而謠俗同跂喙恬而草木庶軼埃
壘而苞混茫駕羲軒而凌三五

天子乃高拱垂裳中央運斗容與義林優游書牖探珠
淵之秘筌陟玉山之高阜德蕩蕩以無名治熙
熙而何有既則冲然永念穆然深思曰儀象肇

啓道法昭垂寢明寢熾惟君惟師羣聖一揆六
經同歸王澤下竭頌聲式微孕星鈐於上瑞錫
麟紱於昌期毓龍躡之至德挺鳳峙之殊姿集
大成於千古開絕學於來茲溯平鄉之懿躅景
闕里之崇規庶幾哉聞見可接羹牆在斯舉時
巡之隆典秩釋奠之隆儀爾乃乘大輅控金鍤
牽翠羽捎文虹屬車按節繁吹鳴笳七萃鱗附
千官景從馳道則五里十里旌門則一重再重

集於泗水之上幸於尼山之宮斯時也清羽司
音初陽應律葭管煙飛芸房露茁氣不慄以時
寒序將周而朔易撫景物之澄鮮攬風雲之明
瑟旌旂捲而廣野回春

帳殿開而暮山凝色遂乃肇舉吉祀肅將精禋春卿
贊采祠官胝牲朱火西蘊元酒東陳嘉籩廣豆
豐粢潔盛振羽籥之六舞合咸英之九成薦祝
號之明信導神絃之降迎穆穆

宸容靡靡天綽殊禮展謁隆文錫賚覲靈爽之長存儼
哲人之如在感神契以潛孚體道真而昭對洋
洋乎優優乎與珠庭月角授受於千載之間玉
節金鏗酬答於一堂之內也威儀告竣禮度有
嚴登堂入與規周矩還瞻聖里之岷嶴憩廣庭
之靜便布兩楹以翼聳峙雙闕以星懸藉杏壇
之修蔭挹壁池之素漣偃息於道德之府溯泳
於圖書之淵於是芝蓋重葩龍旂曲柄貴儼一

人尊侔萬乘述素王之嘉贊發五言之

睿詠海嶽遜其高深星雲並其輝映斯則

聖天子蘊道之淳風崇儒之殊敬也簪纓陪位衿佩圍

橋長裾霧會仙組雲影始橫經以讐言問旋拊石

而吹匏誦遺言於姬孔沐雅化於唐姚禮讓之

容咸近光於黎獻豈弟之澤庶作人於譽髦斯

則

聖天子風聲之四訖文治之丕昭也曲阜名區魯原舊

聚陪敦土田復除繇賦增講肄之常員沛匪頒
之異數推恩則徧及師儒錫爵則旁流支庶五
經博士不遺凡蔣之封九命上公奚啻褒成之
昨斯則

聖天子崇德之盛心興賢之弘務也於是采甸侯衛公
卿大夫期門式道執戟荷戈文學掌故之士垂
髻戴白之徒縱觀典禮蹌濟天衢涵濡化澤屬
厭道腴既雀躍而抃舞亦鳬藻而歡愉萬人一

口聲滿公車惟我

后之東巡修百王之令式答珍貺於三靈聽衢謠於百
室却瓊檢以勿祈屏銀繩而詎飾騶從清嚴儀
文簡質吏不譏訶民無供億協時正律埒虞氏
之省方納賈陳詩儷姬王之述職既陟山以裒
對還翕河而問俗採哲陽之舊歌睎榮光之新
燭朝宗滙江漢之波玉帛奉塗山之錄非漢曰
之攀焚乃堯年之刻玉若乃慶惠殷流湛

恩四周給租賜帛省刑釋囚虛衷

清問博延廣諏如天光之下霽亦露濃之上浮始汪濊
於五土旋滄淪於九州今又茂明至道導揚正
學虎炳龍章金追玉琢浴我以詩書弘我以禮
樂盛德登閔大猷輝卓愼六合而被英蕤鼓八
紘而排氛濁誠振古之隆規開天之偉略也

天子方且回輿京室倚佩軒墀道岸先陟德契自持庀
政考業基命勅幾辨色以臨

黼黻視夜而啓彤帷定仁義中正之極稽因革損益
之宜不解冰淵之念彌勤韜鐸之思所以泰階
順軌乾策迎禧上理隆洽茂化雍熙治方侔於
砥屬俗已進於循蜚四海壽康恬於鶉居之代
萬年鼎祚鞏於鰲極之儀

陪祀

聖廟奉

命分獻述聖恭紀二十韻

經筵講官工部右侍郎兼翰林院學士

臣

孫在豐

清時宗聖學大禮肅明禋龍家

天顏穆難彛禮器陳

翠華臨杏席燎火徹蕭辰典並郊壇重恩從杞宋均

奎文宣祝史

御手薦溪蘋馥馥香吹霧輝輝燭耀銀灌先聞鬱鬯樂
盡奏韶鈞瞻仰真無極趨陪敢不寅

聖朝多異數分獻

命儒臣拜聽臚傳唱儀從秩典新緬維麟紱裔直紹鯉
庭親弓治成家語鳶魚味道真他年私淑士此
日裸將人一貫傳猶在中階道不湮躋葬昭往
代琬琰列貞珉蚪蚪先秦碣絃歌舊魯民寶書
貽複壁霜檜歷千春道統川無息王風地少垠
羹牆知黽勉干篇豈遂巡徹俎隨

鸞輅紅霞映

紫宸

駕幸闕里扈從恭紀

工部右侍郎兼翰林院學士

臣孫在豐

玉輅南巡海岳還崆峒問道在尼山朱琴瑤瑟傳

天語古檜靈著識

聖顏禮器齊陳雙廡下麟書獨出五雲間自慙章句微

臣職手抱遺經綴驚班

皇上駕幸闕里恭紀四律

總督倉場戶部右侍郎

臣張集

昌平遺蹟想音徽歸德門前

玉輦飛陟降美牆承道統馨香俎豆肅

天威細詢禮器留黃蓋高揭檐帷識袞衣齊說
至尊親灑翰夜瞻奎壁倍光輝

其二

侍從千官肅裸將杏壇碑下拜分行禮同肆覲
追虞夏事異登封陋漢唐孝弟承先煩

寶訓松筠表節爛

奎章尼山絕業今重振文教從茲沛萬方

其三

臨雍釋菜史曾誇闕里難逢駐

翠華堂敞金絲時進講水環洙泗早停車楷林共識千
年樹文草親攀五色花尚有永和書法在獨存
遺澤聖人家

其四

奎文閣下立移時歷代尊崇百世師真覺風雲

流灌莽長懸象緯照壇墀紋呈蚪蚪庭留檜瑞
叶河圖墓有著無限穹碑標綠字豈如

御筆獨題詩

聖駕幸闕里林廟恭紀二首

兵部督捕侍郎臣趙士麟

泗水鍾靈萬世師攝衣再拜儼彤墀親承

鳳輦回鑾處轉憶麟書吐玉時列代明禋留劔佩兩

楹釋奠肅威儀當年弟子親封樹古幹喬柯覆

墓碑

其二

禮器衣冠尚可稽鬱葱佳氣此攀躋北連秦嶽
朝宗遠東對防山望眼迷雲鎖長林知是瑞鳥
巢別樹不聞啼

六龍巡幸親瞻仰百尺穹碑灑翰題

幸魯恭紀

經筵講官刑部尚書

臣

王士禎

徂徠松下路五色遶龍雲
階近停雕輦堂深護寶熏

天心歸

至聖

宸藻映斯文明水尊彝泛祥烟
玉帛焚冠裳千國擁韶濩
八音聞絕業尋秦漢微言貫典墳
土田宏錫予草木解歡欣
東魯鴈行末傾葵戴

聖君

皇帝釋奠於闕里頌

有序

內閣學士兼禮部侍郎

臣彭孫遹

臣聞三才懋建作極者惟皇六位時成亶聰者
惟后故有禮樂刑政以為宰世之權有中正仁
義以為綏猷之準自河洛苞符以後暨帝皇禪
繼之年莫不兼作君師總司治教龍章觀象即
開道法之宗鳳宸當陽迭啓見聞之緒皇皇乎
郁郁乎斯無得而喻也周德既衰典章攸斁夏

正歸藏之學溯二代而無徵緝熙執競之心歷
數傳而寢晦於是玉麟授簡洩天瑞於素王珠
緯儲精吐靈徵於元聖秉覺民之木鐸握定世
之珍符繫易象而作春秋刪詩書而正禮樂王
事備天德明軌則咸昭彝倫式叙蓋九皇之軌
躅獨萃平鄉七聖之源流同歸泗水矣兩楹告
夢諸子雜興正學衰微羣言淆亂非無英君誼
辟恢大業於方新學士大夫探微言於將墜而

道風猶鬱治化未醇然則代閱千年緒分百氏
而欲六五帝四三王闡虬圖攬鳳德使景星慶
靄暉麗於中天玉節金聲鏗鉤於終古自非
聖人而在

天子之位其道無由也

皇帝纂述丕基撫定方域聰明睿智質亶於生知文武
聖神德全乎廣運天策內攄而八紘風動威弧
外指而六合雲行黼幄澄懷則

宸鏡徹圖書之蘊彤泥發檢則

奎章摘日月之華縕瑟而協氣同流垂裳而兆人自理

大猷升矣皇風穆焉然後憑軾南巡結旌東邁

躬臨闕里謁祀尼山詎

萬乘之尊修嚴師之敬威儀允秩典禮有加

睿藻鋪宣大文炳煜褒衣博帶之士踴躍而趨風瞻雲

就日之民咨嗟而觀化臣以謏劣備職禁林講

會休明宜有宣述茲又欽承

諭旨校對

幸魯盛典一書竊以為

皇帝德化婉於唐虞道統承於洙泗以聖合聖以心契
心鴻章鉅典洵簡冊所希聞而古今之僅覩也
敬拜手稽首而獻頌曰

璇樞啓泰瓊筵迎長三階有謚七曜重光丹堦
集陞紫茵生房道洽政治洪惟

聖皇上繪下絺左干右羽薈萃禮園翱翔書府衢室採

風明堂稽古萬彙順成百昌蕃廡至仁普獲淳
化庖鴻受球冀北鳴

鸞充東泛瀛絜廣踐嶽侔崇謁祠

宣聖展禮滋共乃戒乃儻乃洗乃盥廣樂在懸黃流
在瓚薦號几筵登歌絃管俎豆之容愉愉衍衍
越若邃古儀象初垂以治以教作君作師羲軒
首出勲華代推禹湯文武羣聖同規嶽嶽尼山
洋洋泗水祖述先型憲章往軌斯理未泯百世

以俟道統攸歸在今

天子河珍剖韞洛寶開鍵道貺靜契德符動宣光闡經
術寵賁儒先聲漸教被民陶物甄貞觀者天貞
明者日炳炳

皇猷魏巍

聖德臣廁禁廬丹鉛是職稽首頌颺式示無極

皇帝親祠闕里雅一篇

有引

內閣學士兼禮部侍郎

臣

李振裕

岱宗尊聖也

皇上文德武烈震揚域外海隅晏安民有禮樂絃誦之
習蒸蒸嚮風迺循覽謠俗還過闕里以太牢祀
孔子禮儀致敬賚予有加詠歌其事而作詩以賦也

其一

岱宗巖巖遐邇具瞻登封受命

上帝是監維嶽降神篤生

尼父大道昭明炳焉終古

其二

於

皇時清繼天立極累洽重熙與民休息苞蘖既除干戈
永戢偃武修文風行四國

其三

歲維甲子歷起上元

翠華南指旌軒雲屯肆覲東后百辟駿奔瀕臨日觀旁

矚天門

其四

泰山之陽曲阜之宅

萬乘回鑾里門是式奕奕本支恭迎

清蹕下輦升堂祀典攸秩

其五

軒縣轅矣樂具奏矣尊罍既陳饗禮侑矣俎孔

碩矣

天子獻之豆孔庶矣

天子薦之

其六

祝史有辭我

皇黼藻曰萬世師揭此顯號華蓋九旂于飾于廟姬公
孟子亦越奠告

其七

皇曰噫嘻相予肆祀濟濟臣工莘莘胄子布席橫經披
陳輿旨圜橋肅聽

睟容有喜

其八

皇陟泉林厥流孔流

皇撫檜文厥枝孔虬憩之植之曰惟

尼父

皇心愉愉爰紀爰賦

其九

帝恩優渥零露灑灑流根潤葉受祉無疆匪曰賚之孔

氏之光斯文丕顯邦家之慶

其十

泗水湯湯孔林蒼蒼文草靈著

輦路之旁樵蘇有禁舊不踰項今也廓之數兼常等

其十一

奎畫有煒垂象神宮取彼琬琰是琢是镌豐碑百尺宰


律大東歷年億萬與岱比崇

其十二

維山有岱維天有漢

皇德是峻

帝文是煥大道彰矣治化翔矣日月星辰慶重光矣



幸魯盛典卷二十二